

est, si novus Index methodo aptiore digestus, atque a mendis, erratisque pluribus, quæ in priores irrepserant, emendatus construeretur. Rem hanc omni procul dubio laboris, & diligentiae plenam jam tum animo præconceperamus, cum certas Regulas in examine, & proscriptione Librorum servandas tradidimus in Constitutione nostra, quæ incipit: *Sollicita, ac provida*, VII. Id. Jul. Anno Incarn. Dom. MDCCCLIII. Pontificatus nostri An. XIII. data. Hujusmodi subinde negotium mature jam discussum, Ven. Fratribus nostris S. R. E. Cardinalibus Congregationi Indicis Librorum prohibitorum præpositis dirigendum, promovendumque commisimus, qui pro injuncti sibi muneris ratione, zelo, ac solertia, adhibitis etiam in consultationem & opus doctis, ac diligentibus Viris, omnia pro votis sedulo, accurateque perfecerunt, Absolutum itaque juxta mentem nostram laudatum Indicem, & ab iisdem Cardinalibus revisum, atque recognitum Typis Camerae nostræ Apostolicæ edi voluimus, ipsumque præsentibus Literis nostris tanquam expresse insertum habentes, auctoritate Apostolica tenore præsentium approbamus, & confirmamus.